



fattu da Ghjuventù Svegliata

# L'Attimu

## Maghju 2026



---

# A violenza pulitica, una scelta bona ?

In u 2015 a Corsica mughjava per un'antr'avvene, un'avvene naziunalistu, una famiglia pulitica unita trà autonomisti è independentisti per un'alba nova.

À chì ni simu ?

Cuufficialità ? innò.

Statutu di residente ? innò.

Avanzate custituziunale ? innò.

4000 francesi à l'annu ? lè.

A ghjuventù di u 2015, adulti oghje hà vistu una demucrazia lasciata per corre di a parte di u governu francese ch'un s'hè micca piattatu di riflette cum'è in Indochine o in Algeria per a Corsica, u solu mumentu ch'u statu hà mettu discussione à u giru d'un tavulinu hè in u 2022 dop'à a morte d'Yvan Colonna è a rivolta popolare.

Allora, dumandu à u statu, quellu chì hè detentore di a violenza leghjittima, a nostra a violenza hè leghjittima ? Per fà sente u ribombu di voti ci vole à fà mughjà a voce di a notte ? U sistemu democraticu ùn hè abbastanza bè per vò ?

Caru Statu francese di a to incumpetenza è di u to sprezzu vers à u nostru populu ai fattu di a violenza una scelta bramata.




CNI

# Corsu Mezu Mezu... è bellu merzu

Ci simu ! U cuncertu « Corsu Mezu Mezu » chì addunisce cantatori corsi è francesi s'hè tinutu in Marseglia davant'à centinaia di pinzuttoni chì « adorent la Keurse ».

Stu prugettu deve, siente quelli chì u portanu, mette in valore a cultura corsa à traversu e so canzone... è chì messa in valore ! Digjà, quand'ellu si stà à sente u dischettu, a prima cosa chì ci vene in mente è di taglià u postu è di lampà u discu per u pianu, vistu u sterpu di e nostre canzone da quelli artisti francesi.

Ma u più problematicu, ùn hè tantu u fattu chì u ripertoriu corsu sia sfragellatu cusì, ghjè chì ci si pare esse vultati à u tempu di e culunie, quandu i culunisati ghjucavanu a so musica per amusa'ne pochi di culunialisti spanzati davant'à sta cultura chì li pare inferiore. Per fà piacè à una bella mansa di pinzuttoni, certi sò pronti à travestisce canzone chì, per certe, sò indiate è parlanu di a lotta d'un populu contr'à l'invasore, cume Catena, un Populu Unitu o ancu puru a me Patria...



Distribution de flyers CAP immobilier & patrimoine devant le vélodrome avant le concert corsu mezu mezu, avec notre super mascotte, l'âne corse 🐴

Story Instagram de @capatrimoine



U francese si rallegrerà di stà à sente sta musica in patois vistu chì, di tutta manera, s'imppipa assai di u sensu prufundu di i testi cantati. À ellu li piace solu e voce chì collanu è a manu annant'à l'arechja.

È accant'à tuttu stu vituperiu, s'hè vistu prumuzione per investisce in Corsica da a parte di un gruppu immubiliariu, CAP Immobilier & Patrimoine, è dunque, per noi, fà speculazione annant'à u fundariu è l'immubiliariu. Prumuzione chì hè stata fatta, per andà sempre più luntanu ind'è l'arcivechjume, da una persona incustumata in sumere !

Ghjè vera chì a Corsica ùn hè chè un speziu di No Man's Land induve si pò custruì casamenti maiò in bor'di mare per u cunfortu di certi, scurdendu si di tutte e problematiche sucietale chì esistenu ind'è stu paese è chì a cultura di stu paese ùn hè chè « l'âne corse », u casgiu vechju è Culomba di Mérimée.

## Corsu Mezu Mezu... è bellu merzu

Avà, ci avemu da interessà più precisamente à i dati nant'a situazione immobiliare :

In 2025, u prezzu mediu di u metru quatratu di e case è appartamenti (immobiliariu in generale) ghjunghje circa à 4020€/m<sup>2</sup> in Corsica, contru 3712€/m<sup>2</sup> in u rughjone PACA è 5057€/m<sup>2</sup> in u rughjone pariginu. Eppure, u più impressiunente ghjè chì a Corsica ùn conta chè 365 636 abitenti sientè l'INSEE à u 1mu di Ghjennaghju di u 2026, contru 5 318 370 abitenti in PACA è 12 594 502 abitenti in u rughjone pariginu.

Gratu	Rughjone	Popolazione	Prezzu mediu à m2
1	Île-de-France	12 594 502	5 057 €
2	Corsica	365 636	4 020 €
3	PACA	5 318 370	3 712 €

Sta situazione ùn si spieca micca per via di a dumanda locale. Infatti, si scrive in una logica di culunizzazione di pupulamentu, induve a compra massiva d'averi immobiliarii (anzituttu residenze secundarie), trasfurmeghja di manera prugressiva dipoi anni è anni u raportu di i Corsi à u so propiu territoriu. A terra ùn hè più solu un locu di vita, di tramandera è d'arradichera : diventa un pruduttu d'investimentu, un'uppurtunità finanziaria destinata à acquistadori stranieri

Ghjè in stu cuntestu chì agenze immobiliare vinute di Francia cume CAP Immobilier & Patrimoine (chì prupone averi cume mandrie autentichi, residenze securisate chì francanu 700 000 è ancu per cert'averi un milione d'euri) chì partecipeghjanu à alimentà sta dinamica quand'elle presentanu a Corsica cume un mercatu à cunquistà o cume una destinazione fruttiva per investisce. Stu gennare di cumunicazione rinforza a speculazione immobiliare.

<sup>1</sup>DVF — Demandes de valeurs foncières, DGFIP - data.gouv.fr - <https://www.data.gouv.fr/datasets/demandes-de-valeurs-foncières>  
Statistiques DVF — data.gouv.fr - <https://www.data.gouv.fr/datasets/statistiques-dvf>  
Immo-DVF — Prix immobilier Île-de-France - <https://www.immo-dvf.fr/prix-immobilier/ile-de-france/>  
Immo-DVF — Prix immobilier Corse - <https://www.immo-dvf.fr/prix-immobilier/corse/>  
Immo-DVF — Prix immobilier Provence-Alpes-Côte d'Azur - <https://www.immo-dvf.fr/prix-immobilier/provence-alpes-cote-dazur/>  
DVF — Cerema - <https://datafoncier.cerema.fr/donnees/autres-donnees-foncières/dvfplus-open-data>  
Insee — Indices Notaires-Insee des prix des logements anciens, T4 202 - <https://www.insee.fr/fr/statistiques/8745266>  
Population régionale 2026 — Insee, estimations de population au 1er janvier 2026 - <https://www.insee.fr/fr/statistiques/2012713>

## Corsu Mezu Mezu... è bellu merzu

E cunsequenze sò quesse : incarita di i prezzi, rarificazione di l'alloghji abburdevuli per i Corsi, difficoltà per i giovani à cumprà o à allughjà si à l'annata, è u sintimu criscente di spussezione cume in u settanta. Daret'à i slogans cummerciali (culunialisti) è e messe in scena chì appartenenu à un speziu di « folklore » cù u sumere corsu, ghjè dunque una dumanda fundamentele chì si pone : Quella di u dirittu d'un populu à campà annantu a so terra, senza esse prugressivamente sciusu di u so propiu territoriu da e logiche di mercatu è di speculazione. In stu cuntestu, ci pare più chè necessariu di ramintà l'impurtenza, a primura d'un veru statutu di residente.

Per compie stu picculu articulu azezu, diceremu chì noi, simu à prò di fà valè a nostra cultura for'di Corsica, ch'ella sia in Francia o ancu puru ind'è u mondu sanu cum'ella s'hè vista qualch'anni fà (A Filetta in Ottawa, Canta u Populu Corsu in Parigi) ma micca di travestisce la per una manata di pinzuti ch'ùn vedenu a Corsica solu cum'un pezzu di muntagna à mezu mare cù ghjente chì parlanu un speziu di « patois », manghjanu solu castagne è chì ùn sanu esse chè viulenti.

À bon entendeur, cum'ellu dice u francese.



Affiche "Exposition nationale coloniale Marseille 1922" de David Dellapiane (1866 - 1932), peintre et lithographe français d'origine italienne.

# QUALE SIMU?

Ghjuventù Svegliata naît de la volonté d'une génération d'étudiants de rendre à la pensée nationaliste sa profondeur première. Notre démarche repose sur une conviction simple : la lutte de libération nationale ne peut se contenter d'élans passionnels ; elle doit retrouver une architecture intellectuelle solide, nourrie de théories, d'analyses concrètes et d'une exigence constante.

Nous voulons réhabiliter une culture de l'écrit, de la réflexion et du débat, où la ferveur patriotique ne s'oppose jamais à la rigueur de la raison. Au contraire : nous cherchons à unir ces deux dimensions pour construire une vision politique cohérente, capable d'éclairer l'action plutôt que de la suivre.

Inscrits dans la continuité historique de la Lutte de Libération Nationale (LLN) mais conscients des limites du modèle hérité, nous proposons un renouvellement qui ne renie rien : une manière d'avancer qui conjugue fidélité à la nation corse et lucidité sur les défis contemporains. Nous voulons apporter une contribution distincte, animée par le désir d'enrichir la réflexion collective et d'ouvrir des voies nouvelles pour notre peuple.

## U NOSTRU SCOPU

Ghjuventù Svegliata veut offrir à la jeunesse corse un lieu où réfléchir ensemble à la nation qui est la nôtre. Nous cherchons à nous former tout en accompagnant ceux qui souhaitent participer à une pensée collective, conscients que l'émancipation d'un peuple exige à la fois la clarté des idées et la fermeté des convictions.

Notre mouvement défend les intérêts du peuple corse, de sa terre et de sa culture, en promouvant un modèle d'émancipation à la fois économique, sociétal et culturel. Par la création de cercles de réflexion, nous entendons apporter une contribution intellectuelle à la lutte de libération nationale.

Sans prétendre détenir la vérité, nous voulons participer à la construction d'une pensée nationaliste renouvelée et rigoureuse. Ainsi, Ghjuventù Svegliata aspire à devenir un espace de formation et d'idées, où la jeunesse affine ses analyses et construit, pas à pas, les bases d'un projet national fidèle aux aspirations du peuple corse.



**Ghjuventù Svegliata**

Maghju 2026

[www.ghjuventusvegliata.com](http://www.ghjuventusvegliata.com)